



ILLUSTRISSIMO
LUXEMBURGENSIUM, MONTIS-MAURENTIACI
ET PIGNEII DUCI,
PARI, PRIMOQUE CHRISTIANO
GALLIARUM BARONI,
REGIS ORDINUM EQUITI,
EXERCITUM EJUS LEGATO GENERALI,
PRÆTORIÆ COHORTIS PRÆFECTO,
NEC-NON NORMANNIÆ
GUBERNATORI, &c.

Vovet, offert & consecrat obsequentissimus N. L. BERTHE
Chirurg. studiosus.

THESES ANATOMICÆ ET CHIRURGICÆ



ALCULI corpora sunt dura & saxea in quâdam corporis humani parte ex humoribus concreta Illos in omnibus corporis partibus, nullibi verò frequentius quàm in vesicâ urinariâ (sive in renibus, sive in ipsâmet vesicâ nati sunt,) reperiri, frequens demonstrat experientia. Ubi cunquè autem

2
fuerint efformatæ, concretiones faxeas à majore partium terreſtrium, ſalinarum, glutinofarumque copiâ, vel à partis λιθίωντος vitio pendere ideo conjicitur, quod qui crudioribus veſcuntur alimentis, quique fibras juſto laxiores aut conſtrictiores habent, hoc morbo ſæpiùs afficiantur.

MULTIPLEX Calculorum in veſicâ ſpecies; eorum autem differentia à mole, ſoliditate numeroque ſunt deſumendæ; maxima pars eorum in veſicâ fluitat, ejus cervici ſupponuntur nonnulli, quidam tandem peculiaribus veluti caſulis includuntur, & incarcerati ideo à lithotomis appellantur. Calculorum incarceratorum exiſtentia diu inexplorata, nunc tot exemplis comprobata eſt, ut in controverſiam vocari non poſſit (a).

HÆC ſunt Calculi in veſicâ deliteſcentis ſigna: frequens ſed inane meiendi deſiderium; continuus in pene pruritus; limpidæ, turbulenta, cruenta, mucôſo viſcoſoque humore, nec-non albo ſedimento referta urina, cum intenſis doloribus, eâ evacuatâ intenſioribus, ſtillatitia excretio; involuntariæ virilium erectiones; tenefmus; ~~pendus ad pubem, dum ſat æger majus, ac tandem indice & medio ſiniſtræ manûs in ægri anum introductis, durities intra veſicam percipitur: ex his calculum in veſicâ nidulari, conjicere, non affirmare licet: certius autem cathetere in veſicam immiſſo & in corpus durum impingente; ſi præſertim collisionis tempore quidam percipiat ſonus, calculi exiſtentia comprobatur.~~

COMPERTO Calculo, ad ſymptomatum quæ parit, (ægro ſicut mos eſt præparato) curationem, ſtatim deveniendum: hæc autem vel remediis Calculum in veſicâ diſſolvere valentibus, vel ejus extractione obtinenda. Lithontripticorum actionem (b) inutilem & noxiam comprobavit uſus; ad ſolam ergo operationem conſugiendum: ut vero Chirurgus temerè illam non aggrediatur, 1°. vulnerandas partes, 2°. varias methodos quibus Calculus extrahi poteſt, 3°. tandem rationum momenta quibus hanc vel illam anteponat, apprimè callere debet; hæc tria ſeoriſim à nobis ſunt exponenda.

§

VESICA ſacculus eſt muſculoſo-membranaceus in imâ & anteriore hypogaſtricæ regionis parte, oſſa pubis abdominalesque muſculos inter & peritonæum rectumque poſitus, lotium à renibus ſecretum per-

(a) Conferantur ea quæ ſuper hanc rem ſcripſit M. Houſter in Reg Chirurg. Acad. Commentariis, pag. 395. & ſequentib.

(b) Hoc Heiſterus in primâ latinâ Inſtitut. ſuarum Chirurg. Editione, pag. 894. Douglaffius in ſua novâ Lithotom. inſtituendi ratione gallicè converſa, pag. 16 & ſequentibus. Piètreus in Quæſt. ſua Medico-Chirurg. An. ad extrahendum Calculum diſſecanda ad pubem veſica? Aliique benè multi annotaverunt.

tempus affervans, illudque suâ contractione excernens. Figuram quodammodo ovatam vesica refert, & dividitur, 1°. In facies, quarum una anterior est, altera posterior; 2°. In partes laterales; 3°. verò in partem superiorem *fundum* dictam, mediam, & inferiorem seu *cervicem*. Mediam fundi partem ligamentum quoddam inæqualis crassitiei, umbilico annectit; cervicis pars anterior in urethram definit & posterior duobus in locis plus minus-ve à se invicem distantibus, ureterum extremis oblique perforatur.

PLURES membranæ vesicam componunt, exterior nempe, media & interior: exterior communis & cellularis est: mediam muscularem dictam, plurima constituunt strata, quorum externa vesicæ longitudinem excurrunt, & interna plus minus-ve obliqua sunt: musculares fibræ cervicem versus aggestæ & quibusdam fasciculis à pube procedentibus (a) densatæ, vesicæ sphincterem constituunt: interna tandem villosa dicitur: in hujus textu non pauci nervi plurimæque conspiciuntur glandulæ (b), mucum quemdam quo vesicæ interiora illiniuntur, continuò eructantes. Arteriæ ab hypogastricis internis, venæ iisdem ex venis nascendæ, nervique ab ultimis sympathici majoris propaginibus sacrisque oriundi, membranas illas perperant.

URETHRA canalis est membranoso-spongiosus in litteræ S formam in viris inflexus, ab anteriore cervicis vesicæ parte usque ad penis extremitatem protensus. Urethra duabus constat membranis, quarum exterior à textu cellulari vix differt; has inter, glandulæ modò describendæ textusque spongiosus reperiuntur: si glandulas exceperis, duæ illæ membranæ non nisi cellulari quâdam substantiâ in primâ urethræ parte à se separantur, indè illa, pars urethræ membranacea appellatur; accedit substantia quædam cellulis quàm pluribus referta, hinc spongiosa dicta, inæqualisque in suis partibus crassitiei, quâ enim parte incipit, nec-non versùs penis extremitatem crassior est, atque hinc bulbum urethræ, indè vero penis glandem efformat.

INFERIOREM cervicis vesicæ, primamque urethræ partem ambit corpus quoddam glandulosum, Castanæe nucis, aut juxta alios cordis figuram referens, *prostatæ* dictum; in mediâ faciei anterioris parte, sulcus quidam longitudinalis considerandus venit, prostatarum corpus duas velut in partes dividens, & in quo urethra continetur. Spongiosus quidam textus, plurimique folliculi in internâ prostatarum substantiâ observantur, ex quibus totidem enascuntur ductus, circa verumontanum aperiundi.

(a) Videatur C. Winslowii expositio Anat. pag. 732.

(b) Videatur C. Winslowius in opere citato, pag. 557. Palfin in Anat. suâ Chirurg. Tom. prim. pag. 159. Falconetus in *Quæst. An educendo Calculo, cæteris anteponeendus apparatus lateralis?*

MEMBRANACEAM urethræ partem, alia quoque cingit glandula à Littrio (a) primùm descripta. Urethram in modum zonæ pollicis latæ omni ex parte ambit, plurimæque vasa excretoria in urethram hiantia habet. Recensita præter ostia, alia quoque in urethrâ conspiciuntur, talia sunt 1°. Urethræ lacunæ, decem circiter numero; 2°. vasorum excretoriorum ab antiprostatis oriundorum, 3°. que ductuum ejaculatorum extremitates; hæc à verumontani lateribus extant; verumontanum autem caruncula quædam est, in eâ urethræ parte quam ambiunt prostatae, inferiùs conspiciunda.

MUSCULI plures ad descriptas partes pertinent, iique in eos qui prostatis & eos qui urethræ inserviunt, meritò distinguuntur. Prostaticorum duo superiores, duo verò inferiores sunt: superiores à posteriore ossium pubis parte, inferiores verò ab utrâque ossium pubis & ischii commissurâ ad prostatas extenduntur; eorum qui ad urethram pertinent, alii qui bulbo-cavernosi dicuntur, urethræ bulbo, spongiosæ ejus substantiæ, corporibus nerveis & transversalibus musculis adhærent; alii *transversales*, *triangulares* ve dicti, externæ tuberositatis ischii, inferioriquè urethræ parti, utrimque connectuntur.

§

CALCULI è vesicâ urinariâ extractionem Lithotomiam, improprio licet vocabulo appellant: hæc autem duplex, superior nempè & inferior. Superior ea est, quæ super pubis ossa, inferior verò quæ in perinæo celebratur. Superior hypogastrica Franconianave ab authoris sui nomine, dicitur: inferior autem quæ multiplici ratione perfici potest, eandem ob rationem Celsica, Mariana, Raviana, Cheseldenianave appellatur, prout juxta hujus illiusve methodum instituitur (b).

SECTIO hypogastrica hoc modo celebretur: æger supinus in lecto sic decumbat, ut pulvinaribus coxendicis ossibus pectori capitiqve subjectis, nates pectus & caput, mediâ abdominis parte, elatiora

(a) In Regiæ scient. Acad. Commentariis, anno 1700.

(b) Præter methodos Lithomiam inferiùs instituendi à Celso, aliisque supra memoratis vel inventas vel descriptas, aliæ quoque sunt quibus Calculi extractio perfici potest, & de quibus ob instituti nostri rationem, invitissimi superfedemus; tales sunt ex quas CC. Foubert, Ledran, Lecat, aliique præstantissimi, ejusdemque notæ Chirurghi, in medium nuper protulerunt, & quarum descriptiones legi possunt in Heisteri & Platneri Inst. Chirurgicis; Reg. Chirug. Acad. Commentariis; Garangeoti Dranique operationibus Chirurg. Cheseldeni append. anglicè conscripto: in Filgi dissert. de variis Lithotomiam administrandi viis & Ravianæ præstantiâ; Kesselringii Hist. & examine method. Foubert. administrandæ Lithotomiam; in Gunzii Obs. Chirur. de Calculum curandi viis. C. Falconeti Thesi modò citatâ.

sint, ministris hoc in situ detineatur; fistula in vesicam demittatur; cujus ope liquor quidam in eam possit injici; educto siphone, operator incisionem in mediâ abdominis parte quatuor digitos supra pubis ossa incipiat, & eam usque ad penis radicem extendat; cute, textuque cellulari, primo hoc ictu scapelli sectis, lineam albam; eâdem fere ratione, incidat, (a) detectâque vesicâ scalpelli aciem perpendiculariter in eam sic demittat (b), ut dorsum pectori, acies verò pubi obvertatur; index sinistræ manûs scalpellum veluti sequatur, & in vesicam immittatur, ut eo incurvato vesicæ parietes quasi suspensi retineantur, usque sub ossibus pubis incidatur vesica, eductoque tandem scalpello, Calculus vel digitis vel forcipibus, extrahatur (c).

Cum Celsicus instituendus est apparatus, æger tabulæ pulvinariibus linteisque duplicatis instructæ, & in quâ sedile fuit inversum sic imponitur, ut coxæ illius super mensæ marginem collocentur sitque semi-supinus, crura à se invicem deducuntur, flectuntur genua, brachiaque laqueo injecto, genubus malleolisve alligantur; hoc in situ tribus præterea continetur ministris, quorum duo utrumque genu & pedem continent, alter verò illius humeris incumbit, & postquam quartus minister scrotum sustulit, indicem & medium sinistræ manûs oleo prius illitos, Chirurgus in anum quàm profundius fieri potest intromittit, dextrâque imam abdominis partem comprimens, Calculum versus perinæum adducere nititur, illum eo in loco, incurvatis digitis retinet; scalpellum dextrâ apprehendens cutem textum cellularem & ipsammet vesicam obliquè (d) suprâ tumorem incidit, tandemque cum jam calculus in conspectum venit, eum digitis solis, foras propellit, vel unco aut forcipibus, extrahit. His peractis digito

(a) Non debet incidi vesica quin liquor ope fistulæ in hujus cavitate semper remanentis, rursus injiciatur, cum non satis turgida appareret, illud primi suaseret Middleton & Maggill.

(b) Illud suadent CC. Cheselden & Morand in suo tractatu de Lithotomiâ superiore.

(c) Nullus non videt operationem illam eodem modo in omnibus omnino circumstantiis celebrari non posse; si enim fistula in vesicam immitti non posset, tunc injectionis loco, ægro præcipèretur ut quàm majorem urinæ quantitatem retineret, sicque vesica naturaliter distenderetur. Illud primus commendavit Rossetus in tract. suo de partu Cæsareo; si verò Calculus major, tentatâ prius sectione quâlibet in perinæo, hac ultimâ ratione veniret extrahendus, tunc partes supra Calculum ipsum, ad modum *Franci forent* incidendæ.

(d) Loco sectionis obliquæ Celsus lib. 70. cap. 26. vult cutim juxta anum lunatâ plagâ incidi, cornibus ad coxas spectantibus paululum, deinde eâ parte quâ structior ima plaga est, etiamnum sub cute, alteram transversam plagam insinui quâ vesicæ cervix aperiatur.

vesicæ interiora Chirurgus explorat, ut si quidam fortè Calculus fabula-ve in eâ remanserint, vel immisiss supra specillum globulo instructum forcipibus, vel cochleari digiti ope introducto, possint educi, hæmorrhagiamque, si superveniat, ellychniis styptico medicamine imbutis, ligaturâve coërcet.

ÆGER in Marianâ eodem præcise modo ac in Celsicâ sectione & collocatur & detinetur: deinde verò catheterem sulcatum Chirurgus in vesicam per urethram dimittit; scroto ritè elevato tensisque perimæi integumentis, catheterem sic dirigit, ut dextrum cum ægri corpore angulum faciat, parsque illius gibbosa extus promineat; & eum sinistrâ obfirmans, dextræ indice sulcum ejus investigat, lithotomo cutem, textum cellularem, bulbocavernosum sinistri lateris musculum, spongiosamque urethræ partem, uno veluti ictu, ab inferiore scroti parte usque ad unius pollicis ab ano distantiam, incidit: deindè catheteris manubrium extollendo, concavam illius partem fornici ossium pubis applicat; lithotomum in catheteris sulco hærentem profundius adigit, illum rursus ad superiorem incisionis suæ partem reducit, & eodem in situ continendum præbet; lithotomi ope, canaliculati ductoris lingulam, (a) in sulcum catheteris immittit, lithotomum eximi jubet, canaliculatum ductorem in vesicam adigit, catheterem educit, canaliculati ductoris manubrium sinistrâ apprehendit, dextræ indicem (b) in illius sulcum lente & pedetentim intrudit, forcipes ejusdem sulci ope in vesicam introducit, manus invertit & canaliculatum ductorem educit: forcipum tandem ansas lentè à se diducit, iis rursus approximatis calculum inquirat, apprehendit, motibusque alternis extrahit.

RAW, celeberrimus olim in Univesitate Leydensi Anatomes & Chirurgiæ Professor, suam secandi methodum sic celebrabat: primò, ægrum in mensâ quâdam demissiore, pulvinari dorso supposito, supinum ita collocabat, ut coxæ illius mensæ margini responderent, & eum modo suprà dicto alligabat; deindè cathetere longiore rostro, sulcoque profundiore instructo (c) in vesicam demisso, illius manubrium versus inguen dextrum & abdomen inclinabat, ut nempè secandis partibus catheteris applicaretur curvatura: postea cutem, cellularemque textum satis profundè ab eo loco, in quem Mariana de-

(a) Canaliculati ductoris loco, instrumentis quibusdam ensiformibus, conductoribusque dictis, veteres utebantur.

(b) Hæc dilatatio quæ nunc fit modo suprà descripto, dilatatoribus quibusdam, quorum figuræ in *Alghisi trattato di Lithotomia* conspici possunt, olim instituebatur.

(c) Ravium vesicæ corpus non incidisse, vel alio cathetere usum fuisse, credit Dranius; vid. *le parallele*, pag. 116. & seq.

7

finit incisio ad ischii tuber obliquè incidebat, tum educto lithotomo, catheteris curvaturam explorabat, & juxta illam incisionem extendebat: ægro tandem firmius detento, catheterisque curvaturam tertiâ vice exploratâ, lithotomi apicem in illius sulcum demittebat, corpusque vesicæ incidebat. Quod reliquum est, juxta scalpellum conductores, & illos inter, forcipes in vesicam compellebat.

IN operatione Chefeldenianâ æger eodem præcisè modo ac in præcedenti collocatur & retinetur, deinde catheter, benè incurvus profundèque sulcatus in vesicam immittitur & illius manubrium chirurgi quodam à sinistro ægri latere posito continendum traditur; sic autem disponi debet, ut manubrio versus inguen dextrum inclinato, illius convexitas obliquè inter erectorem & acceleratorem sinistri lateris promineat: scrotum idem minister elevat, & lithotomo haud plicatili cutis & textus cellularis profundè, ab eo loco in quem sectio Mariana definit, usque ad sinistri ischii tuber, inciduntur: tùm sinistra manus indice catheteris sulcus investigatur, si fortè dimotus fuit, suo in loco reponitur, ac ejusdem digiti ope, lithotomi mucro per inferiorem vulneris angulum obliquè in catheteris sulcum adigitur. Cætera uti in Marianâ sectione perficiuntur (a).

QUÆCUNQUE autem ex illis methodis extractus fuerit calculus, embrocationes ex oleo rosaceo instituendæ sunt, & plaga, consueto vulnorum simplicium aut contusorum more, pro re natâ, deligandâ & ad cicatricem perducendâ.

§.

RATIONUM momenta quibus ad hanc vel illam ex suprâ descriptis methodis anteponendam, Chirurgus impelli potest, 1^o. ab ægri habitu; 2^o. à vesicæ ipsius statu; 3^o. à Calculi specie; 4^o. à loco quem Calculus occupat; 5^o. tandem à minori accidentium operationem quamlibet subsequentium quantitate sunt desumenda. Relativè ad ægri habitum; junioribus minor vel altus convenit apparatus; in senibus verò vel obesioribus neuter debet celebrari. Respectu habito ad vesicæ statum; cum parva est & sana, quælibet ex sectionibus quæ infra pubis ossa fiunt, indifferenter institui potest: cum è contrâ parva est & morbo quodam affecta sola Mariana methodus celebranda est. Quoad Calculi speciem: Calculus amplius, admodum oblongus, racemosusve altus, facile verò frangendus eundem necnon Ravianum exposcit apparatus; asper Celsicam, Marianamque sectionem respuit. Si ratio habeatur ad locum quem Calculus occupat, qui cervici impactus hæret, in perinæove tumorem ef-

(a) Hoc tamen cum discrimine, ut ductoris canaliculati manubrium dextrorsum inclinatum esse debeat.

format, Cellicâ, quique incarceratus est, operatione Cheleldenianâ ;
venit extrahendus. Si tandem spectetur ad accidentium operatio-
nem quamlibet subsequentium quantitatem ; omnibus anteposenda
venit vel Franconiana vel Raviana sectio.

D'Amiens
Has Theses DEO JUVANTE, & præside M. RAPHAËLE
BENEVENTO SABATIER, Libera^{rum} Artium & Chi-
rurgiæ Magistro, tueri conabitur NICOLAUS LUDOVICUS
BERTHE, Ambianensis, in almâ Universitate Parisiensî
Artium Magister.

PARISIIS ;

IN REGIIS CHIRURGORUM SCHOLIS.

Die 28^a Septembris, anno Salutis 1753. à sesqui-secundâ
post meridiem ad septimam.

PRO ACTU PUBLICO,

ET

MAGISTERII LAUREA,

Typis DELAGUETTE Regiæ Chirurg. Academiæ
Typographi, 1753.